

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

XVI. Damasi Legatos non interfuisse secundæ synodo œcumenica  
probatur etiam testimonio Græcorum.

**urn:nbn:de:hbz:466:1-15617**

ticos à quatuor sanctis Conciliis damnatos, adeoque illos qui in secunda synodo ecumenica damnati sunt. Damnatio autem Macedonianorum, ut istos exempli causa sumamus, non extat nominatum in Symbolo fidei quod à synodo illa editum habemus, sed in primo canone, in quo etiam damnantur aliorum quorundam hæreticorum errores. Vnde fortassis colligi debet locum S. Gregorij non vacare mendo, tamenetsi ab Hincmaro citetur ut heic editus est. Nam præterea ævo ejus Collectio Canonum à Dionysio Exiguo adorata recepta jamdiu erat in Ecclesia Romana, ut constat ex Cassiodoro. In hac porro Collectione descriptos hodie videmus tres canones Concilij istius Constantinopolitanus, non solum in libris editis, sed etiam in omnibus antiquis codicibus. Vnde colligi potest illos ab Ecclesia Romana receptos fuisse ante Gregorij Magni tempora, cessante videlicet causa propter quam repudiati erant, mitigato nimis dolore quem Pontifices Romani conceperant ex dignitate quæ collata erat Episcopo Constantinopolitano.

XV. Scio, ut ante dixi, adversus ea quæ huc usque dicta sunt reponi posse Romanam Ecclesiam suscepisse quidem definitionem fidei editam in Concilio Constantinopolitano, ceterum canones ejusdem Concilij non recepisse. Verum satis instituto meo feci, si probatum adversus Holstenium fuerit eam synodum pro generali habitam fuisse à Pontificibus Romanis & ab Ecclesia Romana. Id verò me tot auctoritatibus abunde puto confecisse, superfluamque fore omnem operam quæ in hoc argumento deinceps peneretur. Atque id quidem obtinuit, quamvis ea synodus habita fuerit absque Damaso & absque auctoritate ejus. Non vident enim qui contraria sentiunt quantam sedi apostolicæ injuriam faciant, quam volunt Constantino-poli fuisse in suo Vicario Acholio qua tempestate jaciebantur fundamenta patriarchatus Constantinopolitanus, patriarchatus inquam Constantinopolitanus, cui tantis animis & per tot tempora contradixerunt Romani Pontifices tanquam nova rei & quæ tentata esset adversus statuta Concilij Nicæni.

XVI. Melius igitur cum Romanis agitur, & æquius pro veritate, cùm asseritur nul-

lam sedis apostolicæ legationem interfuisse secundæ synodo ecumenicæ, quæ Constantinopoli coacta est. Quod ut etiam Græcorum testimonio conficiamus, utemur auctoritate veteris indiculi septem Conciliorum ecumenicorum qui in veteri codice MS. Bibliothecæ regiae præfixus est operibus sancti Basilij. Indiculus ille, ne quid dissimulem, non est admodum vetustus, quippe his quadringentis annis scriptus, ut apparet ex forma literarum. Descriptum tamen esse ex vetustiori codice, qui ante octavam synodum scriptus fuerit, hinc colligi posse videtur, quod in enumeratione synodorum, Imperatorum, Patriarcharum, quorum temporibus habitæ sunt synodi ecumenicæ, tum etiam urbium in quibus habitæ sunt, & hæreticorum adversus quos ea Concilia celebrata sunt, indiculus ille constanter defini in septima synodo, quam in Nicæa congregatam prodit adversus Iconomachos sub Constantino & Irene, temporibus Tarasij Patriarchæ CP. & Hadriani Pape Romani. In fine verò indiculi recensentur Romani Pontifices quorum ævo ea Concilia celebrata sunt, item eorum virorum nomina qui locum ipsorum tenuerunt in synodis ecumenicis. Primo loco ponitur Silvester, cuius locum in Nicæa synodo tenuisse dicuntur Biton & Vicentius. Sequitur Damasus, cuius ævo celebratum est Concilium CP. de quo nunc agimus. Sed in hoc loco, quemadmodum & sub Vigilio, locus Vicariorum relictus est vacuus, quia nulla Romanæ sedis legatio interfuit huic synodo. Post Damasum ponitur Celestinus, cuius locum in Ephesina synodo tenuisse Cyriillum Alexandrinum docet auctor indiculi. Deinde Leo, pro quo Pascasinus & Lucefius adfuerunt in Concilio Chalcedonensi. Tum Vigilius; hinc Agatho, cuius locum in sexta synodo tenuisse leguntur Georgius, Theodosius, alter Georgius, & Ioannes. Postremò Adrianus primus, cuius vicem in septima synodo obtinuerunt Petrus & alter Petrus. Vnde constat eam fuisse Græcorum sententiam ut putarent secundam synodum habitam fuisse absque Legatis Romani Pontificis. Operæ autem premium est heic describere postremam partem illius indiculi, ut res ista melius intelligi possit.

πάτερ.	σιλε- τός	χριστιανός.	διάμυκος.	πελε- ῖνος.	λέων.	βιργίλιος.	αγάθος.	αἰσπιαρός.
τοπο- τηρί- ται.	βίτον, χριστιανός.		χίελ- λος.	πασκα- σίος. λευκίος.		γεώργιος, θεόδωρος. γεώργιος χιωνίκης.	πέτρος επέτρος.	